

PREDUGOVOR O OTKUPU ELEKTRIČNE ENERGIJE

između

Operatora za obnovljive izvore energije i efikasnu kogeneraciju

i

za otkup električne energije iz postrojenja

“ _____ ”

Mostar, _____ 201__ . godine

PREDUGOVOR O OTKUPU ELEKTRIČNE ENERGIJE

Ovaj Predugovor o otkupu električne energije zaključen je u Mostaru, dana _____ . godine, između:

Operatora za obnovljive izvore energije i efikasnu kogeneraciju, Adema Buća 34, Mostar (u daljem tekstu: Operator za OIEiEK), kojeg zastupa direktor, _____

i

“ _____ ” d.o.o. _____, ulica _____, _____ (u daljem tekstu: **Investitor**), koju zastupa direktor _____,

u daljem tekstu zajedno „Strane”, a svaka individualno je "Strana".

PREAMBULA

S obzirom:

Da je Operator za OIEiEK osnovan s ciljem stvaranja institucionalne strukture za operacionalizaciju sistema podsticaja proizvodnje i otkupa električne energije iz postrojenja koja koriste obnovljive izvore energije i efikasnu kogeneraciju;

Da Investitor planira izgraditi _____ “ _____ ”, instalisane snage ___ kW, u općini _____ i predviđene godišnje proizvodnje _____ MWh (u daljem tekstu: „Elektrana“);

Da je Federalno ministarstvo energije, rudarstva i industrije Investitoru izdalo Energetsku dozvolu za izgradnju proizvodnog objekta, broj: _____ od _____ (u daljem tekstu: Energetska dozvola)

Da je Investitor stekao status potencijalnog privilegovanog proizvođača električne energije iz obnovljivih izvora energije za Elektranu, a na osnovu Rješenja Operatora za OIEiEK broj: _____ od _____ (u daljem tekstu: Rješenje);

Da je Investitor izvršio plaćanje novčanog depozita koji je garancija da će Elektrana biti izgrađena u predviđenom roku ili dostavio bankovnu garanciju naplativu po pozivu na iznos od _____ (u daljem tekstu: depozit);

Da Investitor na osnovu Rješenja stiče pravo zaključenja predugovora o otkupu proizvedene električne energije po garantovanim otkupnim cijenama sa Operatorom za OIEiEK;

Da u skladu sa Zakonom o korištenju obnovljivih izvora energije i efikasne kogeneracije („Službene novine Federacije BiH“, broj 70/13 i 5/14) (u daljem tekstu: Zakon) i Uredbom o podsticanju proizvodnje električne energije iz obnovljivih izvora energije i efikasne kogeneracije i određivanju naknada za podsticanje („Službene novine Federacije BiH“, broj 48/14) (u daljem tekstu: Uredba), Investitor ima namjeru da

izgradi Elektranu u cilju prodaje električne energije Operatoru za OIEiEK, a Operator za OIEiEK ima namjeru da otkupi električnu energiju proizvedenu u Elektrani, u skladu sa važećim propisima Federacije BiH i uslovima definisanim posebnim ugovorom;

Strane se ovim usaglašavaju kako slijedi:

Član 1. Definicije

Termini, korišteni u ovom Predugovoru, imaju slijedeće značenje:

- a) „**Predugovor**“ znači ovaj Predugovor uključujući sve pisane amandmane i dopune koje Strane mogu zaključiti u toku trajanja Predugovora.
- b) „**Operator distributivnog sistema**“ (u daljem tekst: ODS) znači pravno lice sa kojim Proizvođač zaključuje Ugovor o korištenju distributivne mreže i Ugovor o priključenju.
- c) „**Nezavisni operator sistema**“ (u daljnjem tekst: NOS) znači pravno lice koje, u skladu sa posebnim propisom, ima isključivu nadležnost za upravljanje radom prenosnog sistema u Bosni i Hercegovini.
- d) „**EES**“ znači cjelokupan elektroenergetski sistem uspostavljen radi proizvodnje, prenosa i distribucije električne energije do krajnjih kupaca.
- e) „**Slučaj neispunjenja**“ ima značenje koje je definisano u članu 10. Ugovora.
- f) „**Slučaj više sile**“ znači uzroke koji realno nisu pod kontrolom Strane koja prijavljuje višu silu kao što su: ratovi, pobune, epidemije, požare, eksplozije, gromove, uragane, poplave i smrzavanja mašina, opreme ili vodova, ili bilo koji drugi uzrok, bez obzira da li je po vrsti pobrojan naprijed ili drugdje, tako dugo koliko takav uzrok realno ne može biti pod kontrolom Strane koja je najavila slučaj više sile, uz uslov da nije uzrokovan nehatom te Strane ili namjernim lošim upravljanjem. Bez obzira na gore navedeno, kašnjenje ili nemogućnost izvedbe nastala isključivo iz predvidive inženjerske greške u projektu, neće se smatrati slučajem više sile.
- g) „**Privilegovani proizvođač**“ znači kvalifikovani proizvođač koji ima pravo da se od njega po garantovanim cijenama otkupe ukupne količine proizvedene električne energije tokom unaprijed utvrđenog perioda.
- h) „**Potencijalni privilegovani proizvođač**“ znači investitora koji je dobio status rješenjem Operatora za OIEiEK i koji stiče pravo da sa Operatorom za OIEiEK zaključi predugovor o otkupu električne energije.
- i) „**Kvalifikovani proizvođač**“ znači proizvođača koji u pojedinačnom objektu za proizvodnju električne energije proizvodi električnu energiju, koristeći otpad ili obnovljive izvore energije na ekonomski primjeren način, uključujući kombinirani ciklus proizvodnje toplotne i električne energije, koji je usklađen sa zaštitom okoliša, a koji takav položaj može steći na osnovu rješenja nadležnog organa.
- j) „**Energija elektrane**“ znači električna energija koju proizvodi Elektrana, umanjena za električnu energiju koju Elektrana koristi za vlastitu potrošnju.
- k) „**Trajanje Predugovora**“ znači period trajanja ovog Predugovora kako je navedeno u članu 8. Ugovora.
- l) „**Referentna cijena**“ znači otkupnu cijenu električne energije iz postrojenja koja koriste obnovljive izvore i efikasnu kogeneraciju čija se proizvodnja ne potiče i koristi se za utvrđivanje naknada koje se plaćaju za obnovljive izvore, a utvrđuje je FERK.

m) "**Garantovana cijena**" znači otkupna cijena koja se plaća privilegovanom proizvođaču električne energije iz OIEiEK za vrijeme trajanja ugovora o otkupu električne energije.

Ostale riječi i izrazi u ovom Predugovoru imaju značenje koje im je dato u Zakonu.

Član 2. Predmet Predugovora

Ovim Predugovorom uređuju se prava, obaveze i odgovornosti Strana u pogledu otkupa energije Elektrane, rokova izgradnje Elektrane, sticanja statusa privilegovanog proizvođača i uslova za zaključenje ugovora o otkupu energije Elektrane i drugih uslova u skladu sa Zakonom i Uredbom.

Član 3. Rok za izgradnju i priključak Elektrane

- (1) Investitor je dužan početi izgradnju Elektrane u roku ne dužem od 12 mjeseci, računajući od dana zaključivanja ovog Predugovora.
- (2) Investitor je dužan da završi izgradnju, priključenje na EES, te ishođenje odobrenja za upotrebu Elektrane u roku koji je određen Energetskom dozvolom, a koji ne može biti duži od _____ godine.
- (3) Rok iz stava (2) ovog člana, na zahtjev Investitora može se produžiti aneksom na ovaj Predugovor iz opravdanih razloga što Operator za OIEiEK cijeni u svakom konkretnom slučaju. Zahtjev za produženje roka Investitor podnosi najkasnije 60 dana prije isteka roka iz stava (2) ovog člana.
- (4) U slučaju prekoračenja rokova iz stava (1) i stava (2) ovog člana ovaj Predugovor se automatski raskida.

Član 4. Garantovana cijena

- (1) Nakon sticanja statusa privilegovanog proizvođača Investitor ima pravo na otkup energije Elektrane po garantovanoj cijeni, određenoj u stavu (3) ovog člana, od trenutka zaključenja posebnog ugovora o otkupu energije Elektrane.
- (2) Cijena iz stava (1) se formira kao proizvod odgovarajućeg tarifnog koeficijenta i referentne cijene, koje određuju nadležni organi.
- (3) Iznos garantovane cijene, na osnovu prethodno navedenog, iznosi: _____ KM/kWh, što ne uključuje porez na dodanu vrijednost.

Član 5. Odgovornost za balansiranje

Strane su saglasne da se pitanje usluga/troškova balansiranja reguliše posebnim aktima.

Član 6. Povezivanje sa EES

- (1) Investitor je obavezan prilikom izgradnje Elektrane pridržavati se uslova iz prethodne elektroenergetske saglasnosti i elektroenergetske saglasnosti.
- (2) Investitor će pitanja u vezi povezivanja na EES, pogona, održavanja i mjerenja regulisati ugovorom o korištenju mreže i ugovorom o priključenju sa ODS ili Elektroprijenosom BiH ako je postrojenje priključeno na prijenosnu mrežu.

Član 7. Korištenje najnovijih tehnologija

- (1) Prilikom izgradnje Elektrane Investitor je dužan koristiti najnovine raspoložive i primjenjive tehnologije, te o svom trošku nabaviti i montirati takvu telekomunikacionu, informatičku i mjernu opremu za Elektranu kakvu Operator za OIEiEK ili NOS može vremenom tražiti u skladu sa važećim propisima.
- (2) Investitor je obavezan obezbijediti mjerne uređaje tipa i klase definisane uslovima iz prethodne elektroenergetske saglasnosti i elektroenergetske saglasnosti.
- (3) U fazi izgradnje Elektrane Investitor je dužan da se pridržava važećih zakonskih, podzakonskih i tehničkih propisa primjenjivih na Elektranu.
- (4) Investitor se obavezuje da će predstavniku Operatora za OIEiEK, uz prethodnu najavu, omogućiti nesmetan pristup lokaciji na kojoj se gradi Elektranu u svrhu provjere primjene odredbi stava (1) i (2) ovog člana.

Član 8. Trajanje i prestanak Predugovornog odnosa

- (1) Ovaj Predugovor će biti na snazi do trenutka sticanja statusa privilegovanog proizvođača i zaključenja ugovora o otkupu električne energije, u skladu sa Zakonom, osim ako se na drugi način ne raskine.
- (2) Ovaj Predugovor može raskinuti svaka Strana u slučaju neispunjenja u skladu sa odredbama ovog Predugovora.
- (3) Ovaj Predugovor se može raskinuti sporazumom Strana.
- (4) U slučaju da Investitor u toku trajanja Predugovora izgubi koncesiju na osnovu koje je stekao pravo gradnje (ukoliko je pravo gradnje stečeno na osnovu koncesije), Predugovor se smatra raskinutim danom gubitka koncesije.
- (5) U slučaju da Investitor, u toku trajanja Predugovora, prenese koncesioni ugovor na drugog privrednog subjekta, Predugovor se prenosi na novog koncesionara, u skladu sa članom 14. ovog Predugovora.
- (6) Investitor ima pravo raskinuti Predugovor o čemu je dužan obavijestiti Operatora za OIEiEK najkasnije 30 dana prije raskida.
- (7) Ukoliko se ovaj Predugovor raskine Investitor gubi sva prava po ovom Predugovoru i status potencijalnog privilegovanog proizvođača bez prava da potražuje povrat depozita.

(8) Ukoliko Investitor ne ispuni obaveze iz ovog Predugovora u propisanom roku, Operator za OIEiEK nema nikakve obaveze prema Investitoru po ovom Predugovoru.

Član 9. Obaveze Investitora nakon završetka izgradnje Elektrane

(1) Nakon završetka izgradnje Elektrane, priključenja na EES, te pribavljanja odobrenje za upotrebu Elektrane, Investitor je obavezan podnijeti zahtjev za izdavanje Licence od strane FERK-a.

(2) Investitor, nakon ispunjavanja obaveza iz ovog Predugovora, dobivanja Licence i sticanja statusa kvalifikovanog proizvođača, je obavezan podnijeti zahtjev za sticanje statusa privilegovanog proizvođača u skladu sa Zakonom i Uredbom.

Član 10. Slučajevi neispunjenja

(1) Slučaj neispunjenja obaveza po Predugovoru nastaje ako bilo koja Strana propusti da izvrši svoje obaveze po Predugovoru i takvo neizvršenje se nastavi tokom 30 dana nakon prijema obavijesti od druge Strane, osim ako ovim Predugovorom nije drugačije regulisano;

(2) Ako se dogodi slučaj neispunjenja i nastavi da traje, Strana koja ne krši obaveze može raskinuti Predugovor dostavom pisane obavijesti Strani u prekršaju o tom raskidu i o danu efektivnosti raskida koji će biti najmanje 30 dana nakon takve obavijesti ako neispunjenje bude nastavljeno nakon toga dana. Na dan i nakon dana efektivnosti raskida, Strana koja ne krši obaveze će biti oslobođena svih obaveza i odgovornosti po Predugovoru, osim obaveza nastalih prije prijema obavijesti iz stava (1) ovog člana.

Član 11. Viša sila

Ako bilo koja Strana bude spriječena u izvršenju bilo koje od svojih obaveza zbog nastanka više sile, ta Strana će biti oslobođena izvršavanja obaveza toliko dugo, i samo u takvom obimu, dok viša sila sprječava njegovo izvršenje ako:

- a) je ta Strana najkasnije 15 dana od nastanka više sile obavijestila drugu stranu o postojanju više sile i
- b) ta Strana u dobroj namjeri poduzima razumne korake da prevaziđe posljedice više sile i da obnovi svoju sposobnost za izvršenje Predugovora.

Član 12. Ograničena odgovornost

(1) Osim ako nije drugačije specifično navedeno u Predugovoru, ili osim ako nastala šteta ili ozljeda nije rezultat grube nepažnje, nehata, namjernog propusta ili prevare Strane ili njenih zaposlenih, rukovodilaca, dobavljača i/ili agenata koje je koristila pri izvršenju svojih obaveza po Predugovoru, nijedna Strana neće biti odgovorna drugoj za gubitak, trošak, rashod ili štete bilo koje vrste ili karaktera (uključujući gubitak korištenja imovine) u vezi sa oštećenjima ili razaranjima imovine ili ličnih ozljeda

(uključujući smrt) nastalih izvedbom Predugovora, uključujući projektovanje, izgradnju, održavanje ili pogon objekata, postrojenja ili opreme u vlasništvu ili u korištenju bilo koje Strane.

(2) Nijedna Strana neće biti odgovorna drugoj Strani za bilo koje indirektne štete ili izmaklu korist bilo da su nastali na osnovu zahtjeva po Predugovoru ili zahtjeva za odštetu. Svaka Strana je saglasna da neće pokrenuti zahtjev za indirektne štete ili izmaklu korist protiv druge Strane.

(3) Ništa u Predugovoru neće imati za posljedicu isključenje ili ograničenje odgovornosti Strane u slučaju: namjernog kršenja obaveza, prevare ili radnje koja ugrožava osnovna prava Strane ili predstavlja kršenje osnovnih ugovornih obaveza Strane.

Član 13. Rješavanje sporova

(1) Strane imaju namjeru da uz dobru volju riješe svaki spor nastao iz Predugovora ili vezan za njega.

(2) U slučaju spora nastalog iz Predugovora svaka će Strana odmah odrediti osobu sa ovlaštenjem za razrješenje spora. Ovlaštene osobe će odmah početi s razgovorima i uložiti će sve razumne napore da postignu obostrano zadovoljavajuće razrješenje spora koje će biti dokumentovano u pisanoj formi.

(3) Ako ovlaštene osobe ne uspiju da postignu sporazum u roku od 30 dana, ugovara se nadležnost suda u Mostaru.

Član 14. Prenos prava i obaveza na treća lica

(1) Investitor može, u toku trajanja ovog Predugovora podnijeti zahtjev Operatoru za OIEiEK za prenos statusa potencijalnog privilegovanog proizvođača.

(2) U slučaju iz stava (1) ovog člana, uz zahtjev Investitora za prenos statusa potencijalnog privilegovanog proizvođača, podnosi se i prateća dokumentacija koja se odnosi na novog investitora i dokazi o ispunjavanju uslova, a koje Operator za OIEiEK određuje u svakom konkretnom slučaju, nakon čega Operator za OIEiEK provodi postupak.

(3) Investitor prenosom statusa potencijalnog privilegovanog proizvođača prenosi i prava i obaveze iz ovog Predugovora na novog investitora.

(4) Prenosu statusa potencijalnog privilegovanog proizvođača prethodi prenos prava korištenja sredstava koja su potrebna za izvršenje prava i obaveza iz Predugovora, odnosno prava vlasništva, o čemu se uz zahtjev za prenos prilaže odgovarajuća dokumentacija.

(5) Prava i obaveze iz ovog Predugovora prenose se na treće lica aneksom na Predugovor.

(6) Prava i obaveze iz Predugovora, uključujući rok važenja ostaju nepromjenjeni prilikom prenosa na treće lica.

(7) Do okončanja postupka prenosa prava i obaveza iz Predugovora, Investitor je obavezan nastaviti sa ispunjavanjem obaveza iz Predugovora.

Član 15. Način komunikacije

(1) Sve obavijesti predviđene ili zahtijevane u Predugovoru biti će pisane i dostavljane direktnim uručenjem ili putem pošte (preporučeno) ili putem faksa ili elektronskom poštom, sa potvrdom prijema, u kojem slučaju se naknadno šalje i original dopisa u skladu sa stavom (2) ovog člana, osim ako nije drugačije propisano.

(2) Investitor je obavezan dostavljati dokumentaciju i informacije Operatoru za OIEiEK u originalu ili ovjerenj fotografiji.

(3) Investitor je obavezan da obavještava Operatora za OIEiEK o svim značajnim izmjenama u pravnom okviru, eventualnim sporovima, odlukama upravnih ili sudskih organa ili drugim dešavanjima koji imaju uticaja na prava i obaveze iz Predugovora.

(4) Sve informacije koje Investitor dostavlja Operatoru za OIEiEK moraju biti potpisane i ovjerene od ovlaštenog lica, koje svojim potpisom potvrđuje tačnost i istinitost dostavljene informacije.

Član 16. Obaveza obavještavanja i nadgledanja

(1) Investitor je obavezan obavještavati Operatora za OIEiEK o eventualnim kašnjenjima u realizaciji izgradnje Elektrane, kao i razlozima kašnjenja.

(2) Investitor je obavezan saradivati sa Operatorom za OIEiEK u pogledu bilo kojeg zahtjeva za informacijama, uključujući bilo koju ispravu, dokument ili materijalni dokaz da bi Operatoru za OIEiEK omogućio izvršavanje njegovih nadležnosti u skladu sa Zakonom i ovim Predugovorom.

(3) U okviru svojih nadležnosti Operator za OIEiEK vrši nadgledanje ispunjenja odredaba iz ovog Predugovora.

(4) U cilju nadgledanja ispunjenja odredaba iz ovog Predugovora Investitor je obavezan dostavljati dokumente, podatke i informacije na zahtjev Operatora za OIEiEK.

(5) Investitor je obavezan obavijestiti Operatora za OIEiEK o svakoj povredi odredaba ovog Predugovora u roku od 10 dana, od saznanja da je došlo do povrede.

(6) Operator za OIEiEK ima pravo obavljati nadgledanje toka izgradnje Elektrane da bi se izvršio uvid u poštivanje odredaba ovog Predugovora.

(7) Investitor je obavezan saradivati sa Operatorom za OIEiEK u toku pripreme i prilikom obavljanja nadgledanja.

Član 17. Izjave i garancije i dodatne odredbe

(1) Investitor izjavljuje i garantuje Operatoru za OIEiEK da:

- a) Investitor je privredno društvo propisno registrovano, obavlja djelatnost i zakonito posluje na osnovu zakona Federacije BiH i posjeduje sva potrebna sredstva i ovlaštenja da obavlja svoju djelatnost. Obavezuje se da izvršava, realizuje i ispunjava svoje obaveze po Predugovoru.
- b) Investitor je dobio sve akte potrebne za obavljanje, realizaciju i ispunjavanje ovog Predugovora.
- c) Investitor je pročitao i razumio sve odredbe Predugovora i svojevrijedno ga prihvata.
- d) Koliko Investitor zna, nisu u toku niti postoje prijeteće aktivnosti ili postupak protiv Investitora pred bilo kojim sudom, državnim institucijom ili arbitražom koji bi mogli materijalno ili štetno uticati na finansijsko stanje ili poslovanje Investitora ili sposobnost Investitora da izvrši svoje obaveze, ili koje utiču na zakonitost, valjanost ili ostajanje na snazi Predugovora.
- e) Investitor je obavezan pridržavati se svih važećih zakona, podzakonskih akata, tehničkih propisa, pravilnika i standarda, koji se odnose na projektovanje, izgradnju i priključenje na EES elektroenergetskih objekata, kao i uslova iz Energetske dozvole, direktiva Evropske unije i međunarodnih ugovora koje je prihvatila Bosna i Hercegovina, te pravila i propisa Operatora za OIEiEK.
- (2) Operator za OIEiEK izjavljuje i garantuje Proizvođaču da:
- a) Operator za OIEiEK je neprofitno pravno lice, osnovano od strane Vlade Federacije BiH i propisno registrovano, obavlja djelatnost i zakonito posluje na osnovu propisa Federacije BiH i posjeduje sva potrebna sredstva i ovlaštenja da obavlja svoju djelatnost. Obavezuje se da izvršava, realizuje i ispunjava svoje obaveze po Predugovoru.
- b) Operator za OIEiEK je dobio ili je podnio zahtjev za dobijanje svih akata potrebnih za obavljanje, realizaciju i ispunjavanje Predugovora.
- (3) Investitor će o svom trošku obezbjediti sve saglasnosti, licence, odobrenja i druge dozvole, od svih organa nadležnih za Investitora i/ili Elektranu, i obaviti sva istraživanja i studije o uticaju na okolinu, u skladu sa važećim propisima, u svakom slučaju kada je to neophodno:
- a) za pogon i održavanje Elektrane;
- b) za Investitora, da realizuje svoje obaveze po Predugovoru.
- (4) Investitor će ispunjavati odredbe svih propisa koji se odnose na Investitora i/ili Elektranu, uključivo:
- a) propise o zaštiti okoline koji su važeći tokom trajanja Predugovora;
- b) propise koji se odnose na postrojenja za ili u vezi sa proizvodnjom električne energije.

Član 18.
Ostale odredbe

(1) Strane su nezavisni ugovarači. Ništa sadržano u Predugovoru neće nametnuti bilo koju partnersku obavezu ili odgovornost za drugu Stranu. Niti jedna Strana neće imati pravo, moć ili ovlasti da sklopi bilo koji sporazum ili obavezu, djelujući u ime druge Strane, ili na drugi način povezujući drugu stranu.

(2) Ništa u Predugovoru neće biti iskorišteno da kreira bilo kakvu obavezu i dugovanje drugom pravnom ili fizičkom licu.

(3) Nevalidnost, u cijelosti ili u dijelu, bilo kojeg člana ili stava Predugovora neće uticati na validnosti preostalih dijelova takvih članova ili stavova.

(4) Nikakva modifikacija, amandman ili druga izmjena na ovaj Predugovor neće biti obavezujuća ni za jednu stranu osim ako nije pismeno potvrđena i potpisana od obje Strane.

(5) Predugovor će biti interpretiran, trajat će i primjenjivat u skladu sa važećim propisima Federacije Bosne i Hercegovine i Bosne i Hercegovine.

(6) Propust svake Strane da koristi bilo koje od svojih prava po Predugovoru neće predstavljati odricanje od tih prava. Ni za jednu stranu se neće smatrati da se odrekla bilo kog prava nastalog zbog propusta kojeg je drugi učinio, osim ako takvo odricanje nije specifično dato napismeno.

(7) Prilog ovog Predugovora je Rješenje o sticanju statusa potencijalnog privilegovanog proizvođača, broj i datum, kao u preambuli, i čini njegov sastavni dio.

(8) Predugovor je sastavljen u četiri istovjetna primjerka, po dva za svaku Stranu, od kojih će se svaki smatrati originalom.

(9) Predugovor stupa na snagu i primjenjuje se od dana obostranog potpisivanja.

Investitor

Direktor

Broj: _____

Datum: _____

Operator za OIEiEK

Direktor

Broj: 02- /

Datum: _____